

Serie A N.º 1176115

SESIÓN EXTRAORDINARIA DO CONCELLO PLENO
2/ABRIL/2002

SUMARIO

- 1.- APROBACIÓN DEFINITIVA DO ORZAMENTO XERAL DO CONCELLO DE REDONDELA PARA O ANO 2002.
- 2.- ESCRITO DE Dº FERNANDO AIRA ENRIQUEZ E Dª CORAL LAGO LEIROS, EN REPRESENTACIÓN DE "AVESGA", SOBRE SANEAMENTO GANDEIRO.
- 3.- DICTAME DA COMISIÓN INFORMATIVA DE INTERIOR SOBRE APROBACIÓN DA REVISIÓN ANUAL DO PADRÓN MUNICIPAL DE HABITANTES CON REFERENCIA Ó 01-01-2002.

Na Casa do Concello de Redondela, sendo as vinte horas do día **dous de abril do ano dous mil dous**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. MANUEL RAMÓN CONDE ROMERO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ, asiste tamén D. MODESTO SOLLA SANZ, Interventor Xeral do Concello, actuando como Secretaria Dª Ana Isabel del Cerro del Río, Secretaria da Corporación, constitúese o Pleno do Concello, en sesión extraordinaria, conforme á convocatoria e de acordo coa Orde do día.

Non asisten DONA Mª. DEL CARMEN RODRÍGUEZ RIVAS, nin D. JOSE LUIS ALONSO BASTOS.

Antes de iniciar o debate dos asuntos incluídos na orde do día, o voceiro do P.P. solicita que os expedientes estén a disposición dos Sres. Concelleiros dende o momento que se procede á convocatoria da sesión, o que non ten acontecido no presente caso.

O Sr. Alcalde contesta que o Sr. Portavoz ten razón na súa petición.

1.-APROBACIÓN DEFINITIVA DO ORZAMENTO XERAL DO CONCELLO DE REDONDELA PARA O ANO 2002.

Pola Alcaldía infórmase da presentación dunha alegación polo grupo municipal do Partido Popular, e dun escrito de Dº Ramón Rodríguez Carrera, con rexistro de entrada nº 2008 e data 21 de marzo de 2002, no que alega:

Primeiro.- A falta de publicación ou somera notificación no tablón de anuncios deste concello ou publicación no xornal de maior tirada, da exposición ó público do citado presuposto, infrinxindo con isto, multitude de leis e normas.

Segundo.- O citado presuposto non se axusta a dereito e moito menos á legalidade vixente a xulgar polo que consta no expediente e informe do sr. Interventor. O Sr. Alcalde, visto o informe emitido polo Sr. Interventor, considera que non se pode calificar tal escrito como alegación, e **somete este asunto a votación.**

VOTACIÓN E ACORDO:

O Concello Pleno, con 11 votos a favor dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, e D. XOSÉ LUIS GRANDE GRANDE e mailo do Sr. Alcalde, e **con 7 abstencións** dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMÍN PINTOS FERNÁNDEZ e D^o PABLO REBANAL ALFAYA, **por maioría de votos, acorda:**

Non considerar como alegación ó orzamento municipal para o exercicio 2002, o escrito escrito de D^o Ramón Rodríguez Carrera, con rexistro de entrada nº 2008 e data 21 de marzo de 2002.

Sendo as vinte horas dez minutos incorpórase á sesión D^a Rosa Costas Estévez. O Sr. Alcalde procede á lectura da alegación presentada polo P.P., na que se expón:

"Primeiro.- Non consta a documentación da sociedade mercantil con capital municipal "Radio Redondela, S.L.".

Segundo.- Non constan as contías retributivas de cada posto de traballo na plantilla de persoal."

INTERVENCIONES:

Pola Alcaldía indícase que o contido do debate limitárase ós termos da alegación, pois lóxicamente soamente se debate aquilo que impide a aprobación automática do orzamento.

Inicia o debate o Voceiro do BNG indicando que esta alegación trátase unicamente dunha táctica coa que demorar a aprobación do Orzamento, porque estas cuestións non se plantexaron no debate. As contas da radio non se incorporaron por un despiste, pero non son descoñecidas para o P.P., xa que forman parte do seu Consello de Administración. A documentación xa se atopa no Concello, e trasladarase sen demora ó departamento de Intervención.

O Voceiro do P.P. expón que o punto da orde do día di "aprobación definitiva do orzamento", por iso non se pode excluír o seu debate. Xa dixeran no seu día que este



NUMERADO
DRACIONS
OCAIS

Serie A N.º 1176116

Presuposto non é o que precisa Redondela para sair do vagón de cola no que se atopa, e polo tanto, non debe ser aprobado; ademais considera que non é correcto, e ten dúbidas fundadas sobre a súa legalidade. O informe do Interventor Municipal indica que deben ser aceptadas as súas alegacións, pero, a maiores, se solicita un informe xurídico sobre a citada reclamación, e se resulta axustada a dereito.

O Voceiro do P.S.O.E. manifesta que a documentación da radio será incorporada, e que o único concepto do soldo dos funcionarios que non consta é o complemento específico, que tamén se incorporará, polo que as alegacións son aceptadas.

No 2º turno de intervencións Dº Carlos Pazos manifesta que parécelle unha tristura que as alegacións sexan de tan pouca entidade, o que leva a calificar a situación de penuria política.

Dº Manuel Conde sorpréndese do cambio de actitude do BNG, pois durante os anos de oposición soamente se preocupaban do uso dos vehículos da Alcaldía.

Pregunta quen é o responsable da decisión dos programas de Radio Redondela.

O Sr. Alcalde informa que é competencia do Consello de Administración da Radio, que foi elixido polo Pleno consensuadamente. Solicita ó voceiro popular que se limite ó asunto a debate.

Dº Manuel Conde pide da Alcaldía que mida tódalas intervencións polo mesmo rasero.

O Sr. Alcalde contesta que os voceiros dos outros grupos limitáronse ó tema a debate.

Dº Manuel Conde considera que non se pode tolerar a actitude do sr. Alcalde e dá por rematado o debate.

Sendo as vinte horas trinta e cinco minutos abandona o salón de sesións Dº Pablo Rebanal Alfaya.

Dº Emilio González Iglesias remítese o informe do sr. Interventor que, en canto a documentación a aportar, non inclúe a programación da radio. Remata sinalando que tendo en conta que o grupo de goberno asume as alegacións presentadas, entende que o P.P. votará a favor da aprobación definitiva do Presuposto.

O Sr. Alcalde pechou o debate indicando que se admiten as alegacións efectuadas polo grupo municipal do P.P. e, no prazo máis breve posible, as carencias documentais serán incorporadas ó expediente do Orzamento.

VOTACIÓN E ACORDO:

O Concello Pleno, con 12 votos a favor dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO,



NUMERADO
ORACIONES
OCAIS

DONA CECILIA PÉREZ ORGE, D. XOSÉ LUIS GRANDE GRANDE e D^a. ROSA COSTAS ESTÉVEZ e mailo do Sr. Alcalde, e **con 6 votos en contra** dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA e D. SALVADOR FERMÍN PINTOS FERNÁNDEZ, **por maioría de votos, acorda:**

PRIMEIRO.- Resolver, ó abeiro do establecido no Artigo 198.2 da Lei 39/1988 de 28 de Decembro, reguladora das Facendas Locais, tódolos reparos formulados polo Sr. Interventor Xeral no seu informe de data 18.02.02, R^{fa} T 23/01 ó orzamento xeral para o ano 2002, así como a tódolos recoñecementos extraxudiciais de créditos.

SEGUNDO.- Aprobar definitivamente o orzamento municipal para o exercicio 2002, aceptando a alegación formulada polo grupo municipal do P.P.

2.- ESCRITO DE D^o FERNANDO AIRA ENRIQUEZ E D^a CORAL LAGO LEIROS, EN REPRESENTACIÓN DE "AVESGA", SOBRE SANEAMENTO GANDEIRO.

O Voceiro do BNG dá conta do escrito que se transcribe a continuación, e que vai ser apoiado polo seu grupo:

"D^o Fernando Aira Enríquez, con DNI: 36.105.079-R, e D^a Coral Lago Leirós, con DNI: 76.992.164-D, en representación de AVESGA- Asociación de Veterinarios de Saneamento de Galicia, solicitan ó amparo da lexislación vixente, no Concello de Redondela a presentación da seguinte moción:

Exposición de motivos

É coñecido por toda a Corporación que no ano 2001 a totalidade (ou parte) das explotacións gandeiras do noso Concello non foron saneadas, descoñecendo a data de realización do saneamento correspondente a este ano, e sendo moi difícil por non dicir imposible que ademáis se leve a efecto a da actual 2002 antes do 31 de decembro do presente ano.

Se temos en conta que noutros concellos desta provincia foron saneadas a totalidade das reses, é lóxico que esixamos igualdade de trato por parte da Xunta, non soamente polos prexuízos económicos que tal situación pode supoñer para os gandeiros, senón tamén polos potenciais riscos para a saúde pública que a falta de saneamento gandeiro leva consigo.

A resolución da Dirección Xeral de Producción e Sanidade Agropecuaria de 26-12-01 (DOG 31-12-01) prorroga a validez dos documentos de acreditación sanitaria emitidos na Campaña de Saneamento do ano 2000, para todo tipo de movementos pecuarios prorrogando a súa vez os Títulos de Calificación sanitaria que tiñan as explotacións no ano 2000.

Ainda que se teñan diferentes valoracións sobre a legalidade e interpretación desta resolución, é evidente para todos que ésta non substitúe ó saneamento nin evita a



UMERADO
RACIONS
CAIS

Serie A N.º 1176117

posible expansión das distintas enfermidades, no seo das explotacións e no intercambio entre as mesmas, por todo iso precísase levar a efecto o saneamento correspondente ó ano 2001 e dentro do presente ano tamén o saneamento do ano 2002.

A situación complicase polo feito de que a Consellería de Política Agroalimentaria e Desenvolvemento Rural cesou os veterinarios que dende hai varios anos estaban especializados no saneamento gandeiro, sustuíndolos profesionais por outros sen experiencia na materia.

Ante o exposto o Goberno Municipal de Redondela formula a seguinte PROPOSTA DE ACORDO:

Primeiro.- Que por parte da Consellería se garante, á totalidade das explotacións do Concello, a realización inmediata do saneamento gandeiro correspondente ó ano 2001 e antes de finalizar o presente ano a de 2002.

Segundo.- Que se inste á Consellería para que de inmediato dea unha solución ó cese ou despido dos veterinarios que durante anos viñeron desenvolvendo o saneamento gandeiro, para que coas debidas garantías realicen o saneamento nos termos expresados no punto anterior."

INTERVENCIÓNS:

Dº Manuel Conde manifesta que non vai intervir ante a actitude mantida pola Alcaldía no debate do anterior punto da orde do día.

O Voceiro do PSOE apoia o citado escrito, ante a importancia do problema.

VOTACIÓN E ACORDO:

O Concello Pleno, con 12 votos a favor dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e Dª. ROSA COSTAS ESTÉVEZ e mailo do Sr. Alcalde, e con 6 votos en contra dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA e D. SALVADOR FERMÍN PINTOS FERNÁNDEZ, por maioría de votos, acorda:

PRIMEIRO.- Solicitar que por parte da Consellería de Política Agroalimentaria e Desenvolvemento Rural se garante, á totalidade das explotacións do Concello, a realización inmediata do saneamento gandeiro correspondente ó ano 2001 e antes de finalizar o presente ano a de 2002.

SEGUNDO.- Instar á Consellería para que de inmediato dea unha solución ó cese ou despido dos veterinarios que durante anos viñeron desenvolvendo o saneamento gandeiro, para que coas debidas garantías realicen o saneamento nos termos expresados no punto anterior.

3.- DICTAME DA COMISIÓN INFORMATIVA DE INTERIOR SOBRE APROBACIÓN DA REVISIÓN ANUAL DO PADRÓN MUNICIPAL DE HABITANTES CON REFERENCIA Ó 01-01-2002.-

ANTECEDENTES

De conformidade co que determina o art. 81 do Regulamento de Poboación e Demarcación Territorial das Entidades Locais, aprobado por Real Decreto 1690/1986, de 11 de Xullo, os Concellos aprobaran a revisión dos seus padróns municipais con referencia o 1 de Xaneiro de cada ano, formalizando as actuación levadas a cabo durante o exercicio anterior. Debendo remitir os resultados numéricos da revisión anual o Instituto Nacional de Estatística.

VOTACIÓN E ACORDO:

De conformidade co dictame da Comisión Informativa de Interior de data 25 de marzo de 2002, **O Concello Pleno**, por unanimidade de todos os seus membros presentes sendo dezaioito votos a favor (8 do PSOE, 4 do BNG e 6 do PP), **acorda:**

PRIMEIRO.- Aproba-la revisión anual do Padrón Municipal de Habitantes deste Concello con referencia o 01.01.2002, cúa documentación figura no expediente, da que se desprende o seguinte resumo numérico:

Homes.....	14.275
Mulleres.....	15.075
Total poboación ó 1.1.2002	29.355

SEGUNDO.- Remesar á Delegación Provincial do Instituto Nacional de Estatística a documentación correspondente ós resultados numéricos desta revisión.

E, non habendo máis asuntos que tratar, pola Presidencia dase por rematada a presente sesión sendo as vinte horas e corenta e cinco minutos da data fixada no encabezamento en proba de todo o que, se estende a presente Acta, que se inscribiu no Libro dende o folio vinteoito do Papel Timbrado da Comunidade Autónoma de Galicia, Serie A nº 1176115, ata a volta do folio trinta, Serie A nº 1176117, de todo o que como Secretaria do acto, dou fe.

O Alcalde

A Secretaria

Asdo: Xaime Rei Barreiro

Asdo: Ana Isabel del Cerro del Río